

Орн-нутгин тәрәнә теегәр

70 сай гектар газрин тәрән хурагдчкв

Орн-нутгин кемджән уга ик газрин агъуд тәрә хуралгън бола бәәнә. Августин 25-д 70 сайас үлү гектар газрт тәрән хадгдв. Колхозмудар тәрән гурвна кесн хойр хүвнъ хурагдв.

Сибирьт болн Казахстанд хаврар тәрән цагъан гуйрин тәрән делгүдән болдж. Хурчиг уга, хагсу өдрмүд тәрә хуралгъна кәдлмшт дөнъ болджана. Ода энүнд тәрә хадлгънд 200 минъгъ шаху комбайн болн жатк кәдлмшт орулгдв.

Сүл цагин эргцд орн-нутгин европейск аңгин оли газрмудт дулан, нарта өдрмүд болджана. Центральн хар газрин райодин ик зууднъ болн Иджлин кәвәгъәр буудән ургъц хуралгън тәгсгдәд, зәрм оратдж тәргддг тәрән хурагддж бәәнә. Хар газрин биш зонд бәәх тәрәнә гурвна кеснә хойр хүвнъ хадгдчкв.

Лән тәрдг колхозмуд сән ургъц авчана. Энүг хуралгън

ниднин джиләс түргәр кегд-джәнә. Лән-долгунец нег сай үлү гектар газрт хурагдв. Лән делгүлгън ниднин джилә эн цагас тавн холван икәр кегдв. Белоруссин колхозмуд лән заводмудт экләд өгчәцхәнә.

Орн-нутгин өмн үзгин райодт оратдж тәрдг тәрә хуралгън эклчкв. Украина өмн үзгин зәрм газртнъ эрднишишә күццдән болдж. Северн Кавказд нарн цецгин ясна болн шикрин свеклин ургъц хураджана. Средн Азийд хлопок цуглулх цаг өөрдлжәнә.

Центральн болн северн райодин колхозмуд болн совхозмуд тәрә хуралгъан дахулад, намрар тәрдг тәрә тәрджәцхәнә. Энүг нургълдж өмн үзгин райод эклджәцхәнә. Орн-нутгин тәрәнә теегт августин 25 күртл 17 сай гектар газрт намрар тәрдг тәрән тәргдв. Орн-нутгт түрүн болдж энүнә тәрлгъиг Башкирск АССР болн Тюменьск область дуусцхав.